

آبونه اولی ایستینلر دائره عدلیه ده
اداره مخصوصه سنه مراجعت
ایتملیدر

اعلاناک بهرندن بر مجیدیه اخذ
ایدیلور

نسخه سی ۴۰ پاره در

فکرنامه

سنه لکی در سعادت ایچون مجیدیه
یکرمی غروش حسابیه التمش
غروشدر

طشمره ایچون پوسته اجرئی اوله رق
اون بش غروش ضم اولنور

نسخه سی ۴۰ پاره در

هفته ده ایکی دفعه جمعه ایرتسی و چهارشنبه کونلری نشر اولنور. محتویاتی امور عدلیه به متعلقدر

نشان

سلانیک ولایتی محکمه فوق العاده سی رئیس
سعادتلو خلوصی افندی به وظائف مودوعه سنی
حسن ایفاده مشاهد اولان مساعیسه منی اوچنجی
رتبه دن نشان عالی عثمانی احسان بیورلمشدر.

محاکمات و مقدمات

بصره ولایتی مرکز بدایت محکمه سی مدعی
عمومی معاون سابقی ماجد افندینک اوراق انفصالیه
ومدافعه نامه سی انجمن انتخاب مأمورین عدلیه به
لدی التدقیق جواز استخدامنه قرار ویرلمشدر.

محکمه تمیز استدعا دائره سندن تنظیم واعطا قلنان اعلامدر:

مناسرت ولایتی استیناف محکمه سی جزا دائره سندن
لاحق اولوب ۵ تموز سنه ۳۲۳ تاریخده تفهیم قلنان
قراری ناطق ۶ تموز سنه ۳۲۳ تاریخلی وایکوزاون
درت عددلی اعلامک تمیزاً تدقیقی مستدعی محکمه
مذکوره مدعی عمومیلکندن ویریلان ۱۰ تموز سنه
۳۲۳ تاریخلی استدعانا مه ایله اوراق متفرعه سی باش
مدعی عمومیلک مأموریت بهیه سنک ۴ ایلول سنه ۳۲۳
تاریخلی تبلیغنامه سیله محکمه تمیز استدعا دائره سنه
تودیع اولمش و لدی التدقیق استدعا نامه مزبورک
مدت قانونیه سی ظرفنده ویرلدیکی اکلاشلمش
ایدوکندن بالقبول تدقیقات تمیزیه اجراسنه ابتدار
قلندی.

اعلام مذکورک خلاصه مالی یکدیگرینی ضرب
ایتدکری ادعاسیله مظنون علیهما اولان ترزی
میشقوایلانک اون بش کون مدته حبسنه وایلونک
برائتنه دائر بدایه لاحق اولان حکم غیابی اوزرینه
محکوم مرقوم جانبندن اعطا قلنان اعتراض عرخیلانک

ردنی متضمن ویریلان اعلامک استینافاً دخی تصدیقی
حاوی لاحق اولان اعلام غیابی علیهنده مرقومک
اعطا ایلدیکی اعتراض علی الحکم عرخیالی اوزرینه
جریان ایدن محاکات و تدقیقات وجاهیه نتیجه سنده
معرض میشقونک ثابت اولان ضرب فعلندن دولای
کندوسندن برلیرا آلتوب مضروب ایلیوه اعطاسی
صورتیه اعلام غیابی مذکورک تعدیلاً تصدیقه
قرار ویرلدیکی متضمندر.

لایحه تمیزیه ده اوچنجی محاکمه ده هیئت حاکمه به
قسماً تبدل وقوعبولدینی حالده ضبط سابقک قرائتیه
دعوی و محاکمه تکریر و مندرجاتی تصدیق ایتدیر.
لمکسزین محاکمه به دوام اولنسی مخالف اصول
اولدیغندن بحثله اعلام استینافی مذکورک نقضی استدعا
اولنمشدر.

تبلیغنامه ده دخی لایحه تمیزیه ده اصول محاکمه به
تدقیقاتک نقصانیه دائر درمیان اولنان اعتراضاتک
بجا اولدیغنه منی اعلام مذکورک نقضی لازم کله چکی
کوسترلمشدر.

ایجابی لدی المذاکره اوچنجی محاکمه ده هیئته
قسماً تبدل وقوعبولدینی حالده ضبط سابقک قرائتیه
تکریر محاکمه ایتدیرلمدیکنه دائر لایحه تمیزیه ده سرد
اولنان اعتراض اولباده کی ضبطنامه واعلام مندرجاتنه
نظراً وارد ونقض حکمی موجب کورندیکندن اصول
محاکات جزائیه قانونسک اوچوز اون دردنچی
واوچوز اون طقوزنجی ماده لری احکامنه توفیقاً
اعلام استینافینک نقضنه ۱۰ ایلول سنه ۳۲۳ تاریخده
متفقاً قرار ویرلدی.

در سعادت جنایت محکمه سندن تنظیم واعطا قلنان اعلامدر:

اوچوز یکرمی اوچ سنه سی نیشانک یکرمنجی
جمعه کونی ایاصوفیه جوارنده کون کورمن محله سنده
طاووقخانه زقاغنده کائن ارضروم نائب سابقی فضیلتلو
فیض اه شکری افندینک خانه سنه آلت مخصوصه

استعمالیه بالدخول اچیه سیله مجوهراتی سرقت ایتدکری
ادعاسیله مظنون علیهم بولنان و دیرکر آرهنده
اقامتله رنجبرلک ایتدیکنی سولییلان باندرمه لی یکرمی
اوچ یاشنده عاصم بن عثمان وطوپخانه ده قره باش
محله سنده ابراهیم آغانک قهوه خانه سنده بیتوتله
کذلک رنجبر ایدوکنی بیان ایدن آله پازاری یکرمی
ایکی یاشنده حامد بن حاجی ابراهیم ایله مرقومان
عاصم و حامدک شریک تهمتی اولوب حال فرارده بولنان
ومومی ایله فیض اه افندینک خانه سنده اوشاقلق ایدن
یکرمی بریاشنده بهادر اوغلی نوری بن محمدک جنایتله
اتهاملرینه دائر هیئت اتهامیه دن تنظیم قلنان مضبطه
ایله استیناف مدعی عمومیلککنک ۲ تموز سنه ۳۲۳
تاریخ و ۲۰۳ نومرولی اتهامنامه سی واوراق متفرعه سیله
معاً محکمه جنایتیه تودیع قلنمغه بالمطالعاه تفصیلاتی
اولباده طوتیلان ضبطنامه دن مستبان اوله جنی وجهله
اصول محاکات جزائیه قانونک باب نانیسنک فصل
رابهنده و باب رابعنک فصل نانیسنده محرر اولان
معاملات ابتدائیه وجاهیه و غیاییه بعد الایفا ۳۲۳
سنه سی اغستوسنک یدنجی صالی کونی متهمان عاصم
وحامد علی الاصول توقیفخانه دن کتوردیلهرک
وکیللری حامد بکله آرتین زیلیجیان افندی ومشتکی
فیض اه شکری افندی نامه کلان مخدومی طلعت
واستیناف مدعی عمومیلکی معاونلرندن عزتو بهجت
بکله حاضر اولدق لری حالده محاکمه سالوننه چقیله رق
اجرای محاکمه علنیه وجاهیه و غیاییه به بالابتدار
اوراق دعوانک قرائتندن واقعه اولنان شاهدلرک
شهادتک وطرفینک ادعا ومدافعاتک استماعندن
صوکره محاکمه به ختام ویریلهرک هیئت مذاکره
اوطه سنه چکلدی.

ایجاب کیفیت مذاکره اولندقدده متهملردن حاضر
بالحا که بولنان عاصمک ضابطه ده فیض اه شکری
افندینک خانه سنه رفیق فراری نوری ایله برلکده
بالدخول نقود و مجوهراتی سرقتله بینلرنده تقسیم
ایتدکرینی بالطوع والرضا اقرار ومستنطق ایله محکمه
حضورنده ایسه مرقوم نورینک دعوتی اوزرینه

مومی الیه فیض اه شکری افندینک خانه سنه کیتدیکنی و خانه نك آلت قات او طه سنده اوتور مقدره لریکن مرقوم نورینک برکوش توتون طبقه سی هه ایتدیکنی و مذکور خانه دن جیقوب و غلطه به کچمک ایچون قایقه بینوب خلال طریقه جینه برشی آتمغله سؤالده صوکره بقارسک جواخی و پردیکی و ریخته چیقده قلرند نورینک اورتدن غیوب ایتش ایدوکنی و نورینک و برمش اولدینی چیقنک محتویاتی اکلامق ایستدیکندن در دست اولور قورقوسیه اورالرده بریر انتخاب ایده میرک روزه نك عموم خانه سنه کیدوب باقدینغه اشیای مسروقه نك بولندینی کوردیکی سرد ایه کیفیتی تأویله ایتدار ووقعه کونی ساعت الی ییچی راده لرنده فیض اه شکری افندینک خانه سی قوسی آچلمغله باقدینغه متهلردن عاصمک اطراف واکافی نجس ایدرک جیقوب بکرمی خطوه قدر تباعد ایتدکن صوکره نورینک دخی چقهرق عاصم ایه برلکده طاووقخانه زقاغه کیردکری کوردیکی ووقعه دن مقدم متهمون نوری و عاصم و حامدک محل و قعه جوارنده اوچ درت دفعه برلشمش اولدقربی کورمش ایسه ده و قعه کونی حامدی یانلرنده مشاهده ایتدیکنی حقوق عمومی شهودندن عاکف افانک ووقعه کونی ساعت اون راده لرنده متهلردن عاصمک خانه لرنه کیدرک ویش مجیده مقابلده کیجه بی اوراده امرار ایدرک فرداسی کونی چیقده بقیه درت کوشلی بر ساعتی رهن اوله رق ترک ایتدیکنی و کویله له یوزوکی امانه برافدینی ماریغو وروزه نك مع القسم وعلی الدرجات اخبار ایتلرنه واسباب آفته نك ضابطه عدلیه تقریری مندرجاتی و مرقوم عاصمک برچوق تنویرانده بولنسی و مسروق اشیدان برقسمنک اوزرندن و قس دیکرینک تحت اعترافنده اولدینی وجهله ترک ایتش اولدینی عموم خانه دن چیقارلسی و دیگر متهمون نورینک فرار ایتسی دلالتی ایه تأید ایتسه نظراً متهمان عاصم و فراری نورینک فعل سرقت مجاسر تری محقق اولوب انجی خانه قوسنک آلت مخصوصه ایه کشاد ایدلدیکنی کشف ورقتی شامل و مشتکی طلعت بک دخی قیونک خانه دروننده کزلمش اولان متهلردن عاصم طرفندن ایچرودن آچلیدغه قائل اولسنه مینی متهلردن عاصمک انکار و تأویلاتی و مدافعه وکیلنک مدافعاتی التفاته غیر شایان و الحاصل متهلردن عاصم عاصم و فراری نورینک ۳۲۳ سنه سی نپساننک یکرمنجی جمه کونی ایاصوفیه جوارنده کون کورمن محله سنده طاووقخانه زقاغه کاش ارضوم نائب سابق فضیلتلو فیض اه شکری افندینک خانه سنه آلت مخصوصه استعمال ایتیه رک و دیوار دلیه رک و زردبان نایله آشمیه رق بالدخول اچسیه مجوهراتی سرقت

ایتدکری ینسک و قرائن کافی ایه ثابت و نمایان اولدینندن مرقومانک فصل مذکورک فاعلری اولدقربنه و دیگر متهمون عاصمک مرقومانه مشارکت و معاونتده بولندینی حقننده هیچ برکونه دلیل و اماره به دسترس اولنه مدینندن آنکده برائنه عاصم و حامدک وجاهنده و نورینک غیابنده متفقاً قرار ویریه رک محاکمه او طه سنه عودتله قرار مذکور علناً قرائت و بیان اولدقندن و برائنه قرار ویریلان حامدک سبب آخردن طولانی موقوف اولدینی تقدیرده سیلنک تخلیه سی لازم کله چکی اخطار اوله رق متهمون موقعدن چیقارلدقندن صوکره معاون مومی الیه مرقومان عاصم و نورینک قانون جزانک ایکی یوز یکریمی ایکنجی ماده سنه توفیقاً تحدید مجازاتی طلب وادعا و مدافعه وکیل خالد بک موکلنک تخفیف جزاسی استدعا و مشتکی طلعت بک اموال موجوده نك کندولرنه اعاده سنه قرار ویرلسنی و مرقوم عاصمه دیه چکی اولدینی انبا ایلرله بویاده کی محاکمه نك دخی ختام بولدینی طرفینه اکلا دیله رق تکرار مذاکره او طه سنه کیدلای .

جهت جزایه حقننده دخی مذاکره کیفیت اولدقده مرقومان عاصم و فراری نورینک حرکاتی قانون جزانک ایکی یوز یکریمی ایکنجی ماده سنه موافق ماده مذکوره [زیرده تعداد اولان احوال دن بریه ارتکاب سرقت ایدن شخص الی آیدن اوچ سنه به قدر حبس اولور احوال مذکوره نك برنجیسی کیجه وقتی اولق ایکی و یاخود ده زاده اشخاص برلکده بولنق و یا بوا یکی کیفیتک یالکز برسی اولوب فقط آدم اوتور برخلده و یا معا بده اولمقدن] عباره سی ناطق اولدینندن اشبو ماده قانونیه حکمنه توفیقاً و مرقومان دن عاصمک ابتدای توقیفی اولان ۳۲۵ سنه سی ربیع الاولنک یکریمی التنجی کوندن اعتباراً برر سنه مدته حبسه قونلرینه و مصارف محاکمه اولان جماعاً ایکی یوز غرو شک کندولرندن بالتحصیل عدلیه و زنه سنه تسلیم ایتدیرلسنه و اموال مسروقه نك صاحبه ردنه کذلک عاصمک وجاهنده و نورینک غیابنده ۳۲۳ سنه سی اغستوسنک یدنجی کونی متفقاً قرار ویریه رک اصول فقهیسی ایضا قلندی .

اشیا و تقود سرقت ایدن میخال و مال مسروقت صائسنه دلالت صورتیه فعل سرقت مشارکت ایدن کر قور و مهران و مال مسروقی بیه رک آلا بغوص حق لرنده جریان ایدن محاکمه میخالک سرقت مجاسر قی ثابت اولدینندن الی ماه مدته حبسنه و ختام

مدت جزایه سنده ضابطه جه کفالتیه ربطه و کر قورک برهفته حبسنه و مهران و بغوصک حق لرنده اسناد اولتان فعالرک ثابت اوله مامسنه مینی برائت لرنه یاقونک عبداللهک جاملرینی قیردینی ثابت اولدینندن اون بش کون مدته حبسنه برنارونک آلساوی به اطاله لسان ایتدیکی ثابت اولدینندن یارم آلتون جزای نقدی آلمسنه تری و نسانک دعوی وکیل استپان اوکر افندی به محل ناموس سوز سولیدیکی ثابت اولدینندن برهفته مدته حبسنه حق دخولی اولدینی حالده اورانیه نك خانه سنه کیردیکی ثابت اولان کامل افندیدن الی بشلک جزای نقدی اخذیه برابر اوچ کون مدته حبسنه بولیس قدری افندینک استه ری ضرب ایلدیکی ثابت اولدینندن بر آلتون آنه رق مضروبه ویرلسنه بک اوغلی بدایت محکمه سی جزا دائره سنجه قرار ویرلشد .

مجازات ایتدینک

سرای کوی قضاسی نائی و بدایت محکمه سی رئیس مصطفی ناشد افندینک قرجوه قضاسی نیابت و بدایت محکمه سی ریاستنده بولندینی صروده اجرا دائره سنه عائد معاملده و تظیفه مأموریتی سواستعمال ایلدیکی مناسرت ولایتی عدلیه مفتشکندن وارد اولان اوراق تحقیقیه مندرجاتندن مستبان اولسنه مینی محاکمه آلت آلمسنه عدلیه نظارت جلیله سنندن مأذونیت ویریه رک مذکور مدعی عمومیکه تبلیغات مقتضیه اجرا و رئیس مومی الهک کیفیت محاکمه سنندن طرف عالی مشیختنهای یه ده معلومات اعطا ایدلشد .

سورمنه قضاسی نائب و بدایت محکمه سی رئیس اسبق علی زهدی و محکمه مذکوره اعضای سابقه سنندن حافظ محمد و دیمتری و مدعی عمومی معاون وکیل پولیس قومیسری خالد افندیلرک بر ماده ده خلاف قانون و محایه مقرون قرار اتخاذ ایلدکری طر بزون ولایتی استیناف مدعی عمومیکندن وارد اولان اوراق تحقیقیه محتویاتندن مستبان اولسنه مینی محاکمه آلت آلملرنه عدلیه نظارت جلیله سنجه مأذونیت ویریه رک مذکور مدعی عمومیکه تبلیغات مقتضیه اجرا و رئیس مومی الهک کیفیت محاکمه سنندن طرف عالی مشیختنهای یه ده معلومات اعطا قلمشد .

اعلانات

ایکنجی تجارت محکمه سنده :

غلطه ده قره کویده معاملات صرافیه و قاضی کوبنده مانیفاطوره تجارتیه مشتغل آ میخائیلیدی شرکتنک ۱۰ تشرین اول سنه ۳۲۳ تاریخندن اعتباراً اعلان افلاسنه و مصالح افلاسنه رک رؤیت و تسویه سی ضمنتده اعضا ملازمی رفتلو بدوساکی افندینک ژور قومیسر و دعوی وکیللرندن حسن خیری بک ایه ماناس و شمعون لوی افندیلرک موقت سندیک تعیینلرنه و مغازه سیله اشای زانده بیتنه سنک تمهیرنه و اوراق و دفاترینک جلیله و کفالت مصدقه ارا نه ایده مدیکی تقدیرده حبس و توقیفه و بویاده کی قرارک موقتاً اجراسنه ایکنجی تجارت محکمه سنجه قرار ویرلش اولدینندن قانوننامه تجارتک ۱۷۰ نجی ماده سی موجبجه دائمی سندیکلر انتخاب اولنق اوزره اشبو ۳۲۳ سنه سی تشرین اولنک یکریمی دردنجی چهارشنبه کونی ساعت یدی راده لرنده اصحاب مطلوبک محکمه مذکوره نك مصالح افلاسیه رؤیته مخصوص او طه سنه کلری اعلان اولور .

درعلیه ده بازار محللرنده بصمه جلیق تجارتیه مشتغل بارتیک طولتیا نک ۸ تشرین اول سنه ۳۲۳ تاریخندن اعتباراً اعلان افلاسنه و مصالح افلاسیه نك رؤیت و تسویه سی ضمنتده اعضا محکمه دن عزتلو ایوب صبری بک ژور قومیسر و دعوی وکیللرندن یرغانیان دیران افندینک موقت سندیک تعیینلرنه و مغازه سیله اشای زانده بیتنه سنک تمهیرنه و اوراق و دفاترینک جلیله و کفالت مصدقه ارا نه ایده مدیکی تقدیرده حبس و توقیفه و بویاده کی قرارک موقتاً اجراسنه ایکنجی تجارت محکمه سنجه قرار ویرلش اولدینندن قانوننامه تجارتک ۱۷۰ نجی ماده سی موجبجه دائمی سندیکلر انتخاب اولنق اوزره اشبو ۳۲۳ سنه سی تشرین اولنک یکریمی ایکنجی بازار ابرتسی کونی ساعت یدی راده لرنده اصحاب مطلوبک محکمه مذکوره نك مصالح افلاسیه رؤیته مخصوص او طه سنه کلری اعلان اولور .

اعلانات شرعیه اجرا دائره سنده :

حواجی اصافندن متوفی اسامیل اغا ورته سنک قصاب اصافندن اسپرو ذمتنده با اعلام شرعی آلهجی اولان مبالغ معلومنک تأمین استیفاسی ضمنتده مدیون مرقومک عهده سنده اولوب اشبو دینی مقابلنده مرهون و فروختی محکوم بولتان چنبرلی طاش جوارنده طاووق بازاری قیرنده عتیق علی پاشا محله سنده طاووق بازاری جاده سنده واقع قرق بر

نومرو ایه مرقم بر باب دخانی دکانی دروننده موجود دخانی کدکی تعمیر اولور بروجه ملکیت آلات لازمه معلومه ایه محل مذکوره کاش قرق اوچ نومرو ایه مرقم بر باب خفاف دکانی دروننده موجود بین الاصناف کدک تعمیر اولور آلات لازمه معلومه بوندن اول لدی المزایده مذکور قرق بر نومرولی دخانی کدکی لیرای عثمانی یوز غروش حسابیه سکر بیک ایکی یوز الی و قرق اوچ نومرولی خفاف کدکی دخی اون بشبیک سکر یوز غروش بدل ایه طالبی اوزرنده تقرر ایتشدیدی مذکور قرق بر نومرولی دخانی کدکنسک صرف ملک ایدوکی و قرق اوچ مغازه نك دخی مذکور بقال کدکی مشتعلاندن اولوب خفاف کدکی اولیوب بقال کدکی ایدوکی و محل مذکور خان ایه مغازه نك بقال کدکی ایه برلکده فروختی محکوم بولنش و شمیدیکی حالده قرق بر نومرولی صرف ملک دخانی کدکی اون اوچ بیک و قرق اوچ نومرولی مغازه و خانی مشتمل بقال کدکی دخی قرق یدیک غروش بدل ایه طالبی اوزرنده تقرر ایتش اولدینندن یوزده بش ضم ایه بوندن زیاده به طالب اولانلرک و اطرافلیجه معلومات آلق ایستیلرک اشبو تاریخ اعلانندن اعتباراً اوتوز بر کون ظرفده یوزده اون حسابیه بی اچهلرینی مستصجاباً در سعادت اعلامات شرعیه اجرا دائره سنه مراجعت ایلری صوک دفعه اوله رق اعلان اولور .

محکم تجارت اجرا دائره سنده :

ایتالیا دولتی تبعه سنندن خام س . طولده قومپانیسنک نیقولا دامیانوس ذمتنده برنجی محکمه تجارت اعلامیه محکوم به اولان آلهجینک تسویه سی ایچون مدیون مرقومک طوقبده بازید آغا محله سنده ازمیری زقاغه بر نومرو ایه مرقم فوقده برصالون و اتصالنده برارضیه مغازه سی و آرقه طرفده برمقدار باغچه و مشتعلات سائر دینی حاوی شهری ایکی لیرا ایجاره متحمل میخانه ده بروجه ملکیت بر عدد قره کوز شرتخانه سی کدکنک یوزیکری سهم اعتباریه یکریمی سهم سکر سهم ترتیبیه ایکی سهم و علی زاده احمد اغا و قفندن ازمیری میخانه سی ملکینک کذلک یوزیکری سهم اعتباریه یکریمی سهم و مذکور میخانه به مقلوب کدکنک عاری منزل محانک اعتبار مذکور اوزره قرق سهم حصه لری اشبو تشرین اول رومینک اون یدیلسنندن اعتباراً اون بش کون صوکره موقع مزایده به قونیه جفندن اشتراسنه طالب اولانلرک و بالا اطراف معلومات آلق ایستیلرک محکمه تجارت

اجرا دائره سنه مراجعت ایلری اعلان اولور . احمد آغانک ایران دولتی تبعه سنندن قلعجی میرجان ذمتنده با اعلام محکوم به اولان آلهجینک تسویه سی ایچون اسکدارد ایجادیه محله سنده ارانیک زقاغه اون بر نومرو ایه مرقم بش او طه و برچاقی آلق او طه سی و ایکی صفه و برمطبخ و بر قیو و علی التخبین تیش ذراع عتیق مقداری باغچه و مشتعلات سائر دینی حاوی بر باب خانه ده مدیون مرقومک متصرف اولدینی نصف حصه شایعه سی بوندن اقدم موقع مزایده به قونیه رق لیرای عثمانی یوز غروش حسابیه بیک یدییوز غرو شده طالبی عهده سنده قاش و اشبو تشرین اول رومینک اون یدیلسنندن اعتباراً اوتوز بر کونه یعنی کلهجک تشرین ثانی رومینک اون یدنجی جمه ایرتسی کونی ساعت اونه قدر یوزده بش ضم قبول ایدلسی و ذکر اولتان یوم وساعته صوک مزایده سی بالا اجرا قرار قطعیسی ویریه رک طالبی عهده سنه یکریملی مقرر بولنش اولدینندن و آندن صوکره هرنه ضم وقوع بولورایسه قبول اولنیه جفندن مذکور حصیه یوزده بش ضم ایه طالب اولانلرک و بالا اطراف معلومات آلق ایستیلرک مدت مزبوره ظرفده بدل مزایده نك عشرینه مساوی بی اچسیه برابر محکمه تجارت اجرا دائره سنه مراجعت ایلری و یوم و وقت مزبوره مذکور خانه پیشکاهنده مأموری مواجهه سنده حاضر بولنری اعلان اولور .

در سعادت اعلیات نظام اجرا دائره سنده :

حسین صبری افندینک وفاده اون یدی نومرولی خانه ده مقیم بشکطاشده کتابخیرلر حاجیسی ایوب صبری افندی ذمتنده آلهجی اولان اوچوز عدد عثمانی لیراسنک مع فائض و مصارف محاکمه تحصیلی در سعادت بدایت محکمه سی برنجی حقوق دائره سنندن معطی بر قطعه اعلامیه محکوم بولنش و مدیون مومی الهک غیوبتک تحقیقه مینی اعلام مذکورک صورت مصدقه سی دائره مذکوره جه علی الاصول اعلان صورتیه تبلیغ ایدیلرک الیوم ظهور ایتدیکی اکلا شلمش اولدینندن اجرا قانوننک یکریمی طقوزنجی ماده سی موجبجه مدیون مومی الهک طقسان بر کونه قدر اثبات وجود ایتدیکی حالده مدعی طرفندن وقوع بولهجق مطالبات قانونیه نك ایفاسیه حکم اعلامات اجرایی جهته کیدیلچکی حقننده دائره دیوانخانه سنه تعلیق قتلان اخبارنامه نك بر صورتی تبلیغ مقامه قائم اولق اوزره در سعادت اعلامات نظامیه اجرا دائره سنندن اعلان اولور .

قرق کلیسا تجارت محکمه سنده :

قرق کلیسا بدایت محکمه سی تجارت دائره سنجه افلاسنه حکم اولنش اولان قرق کلیساده مقیم یورکی ولفتر کی ق . صوفیانوپلوس شرکتی ذمتده آله جغنی اثبات ویاموقتاً قبول و قیدایتدیرمش اولان آله جقلولرک قانوننامه تجارتک ۲۱۱ نجی و آتی ولی ایدن ماده سی موجبجه مفلس طرفندن تکلیف اولنه جحق قوتقورداتونک مذاکره سی ایچون ۳۲۳ سنه سی تشرین اولنک اون دردننجی بازار ایرتسی کونی محکمه مذکوره نک مصالح افلاسیه رؤیتنه مخصوص اوطه سنه کلیری اعلان اولنور .

تکفور طغانی تجارت محکمه سنده :

تکفور طغانی سنجاغنه تابع عشققل قریه سنک مانولا کی محله سندن تکفور طغانی تجارت محکمه سنجه اولجه افلاسنه حکم اولنش اولان بقال و بزاز دیمتری پاپا استراطی ذمتده آله جغنی اثبات ویا موقتاً قبول و قید و تصدیق ایتدیرمش اولان آله جقلولرک قانوننامه تجارتک ۲۱۱ نجی و آتی ولی ایدن ماده سی موجبجه مفلس طرفندن تکلیف اولنه جحق قوتقورداتونک مذاکره سی ایچون اشبو ۳۲۳ سنه سی تشرین اولنک اون بشنجی بازار ایرتسی کونی محکمه مذکوره نک مصالح افلاسیه رؤیتنه مخصوص اوطه سنه کلیری اعلان اولنور .

مدلولو بدایت محکمه سی اجرا دائره سنده :

تجاردن خره لامبو اقمیمی واسیلیو افندینک مدلولوده مقیمه دیمتری ذیسیدی زوجه سی الی قادین ذمتده آله جغنی بولنان مبالغ معلومه نک تأمین استیفاسی ضمانده ایفانده قریه سنک چندیروز موقعده اوچ نومرولی زیتونلکنک ربع حصه سی محجوز اولوب تاریخ اعلاندن اعتباراً اون بش کون صوکره فروخته تشبث اولنه جغندن طالب اولانلرک مدلولو سنجاغی بدایت محکمه سی اجرا دائره سنه مراجعت ایملری اعلان اولنور .

پانده لاک و یلاخوبلینک پافله قریه سندن پنا یوپ ولد یورکی بوستان ذمتده با اعلام محکوم به آله جغنی بولنان مبالغ معلومه نک تأمین استیفاسی ضمانده محجوز بیکی قریه سنده اوتوز سکر نومرولی زیتونلکی ایک یوز واون بش نومرولی زیتونلکی ایک یوز و قومی قریه سنده الی نومرولی زیتونلکی ایک یوز ویکرمی اوچ و بش ویدی نومرولی زیتونلکده کی

قرق سکر سهدن اون درت سهمی ایک بیکی غروشدده طالبی عهده سنده تقرر ایدرک موقت قراردادده سی کشیده قلمش اولغله تاریخ اعلاندن اعتباراً اوتوز بر کون ظرفنده یوزده بش ضم ایله طالب اولانلرک مدلولو سنجاغی بدایت محکمه سی اجرا دائره سنه مراجعت ایملری اعلان اولنور .

موریه قریه سندن استراطی دیلی اوغلنک موریلی ماریغو بنت مالی قورون ذمتده با اعلام محکوم به آله جغندن طولانی محجوز افالونه قریه سنک قاریز موقعده زوجی نیقوله دن منتقل التمش اوچ نومرولی زیتونلکی اجرا قانان مزایده سنده طقوز بیکی غروشدده طالبی عهده سنده تقرر ایدرک موقت قراردادده سی کشیده قلمش اولغله تاریخ اعلاندن اعتباراً اوتوز بر کون ظرفنده یوزده بش ضم ایله طالب اولانلرک مدلولو سنجاغی بدایت محکمه سی اجرا دائره سنه مراجعت ایملری اعلان اولنور .

صارلیجه لی جمیل افندینک قریه مذکوره لی بقال پنا یوپ استراطی ذمتده با اعلام محکوم به بولنان مبالغ معلومه نک تأمین استیفاسی ضمانده محجوز صارلیجه قریه سنک قوری چشمه موقعده اوتوز الی نومرولی زیتونلکنک قرق سهم اعتباریله اون درت سهمی بیکی طقوز یوز و پاپا لاطو موقعده سکر نومرولی طام اوچیوز غروشدده اجرا قلنان مزایده سنده طالبی عهده سنده تقرر ایدرک موقت قراردادده سی کشیده قلمغله تاریخ اعلاندن اعتباراً اوتوز بر کون ظرفنده یوزده بش ضم ایله طالب اولانلرک مدلولو سنجاغی بدایت محکمه سی اجرا دائره سنه مراجعت ایملری اعلان اولنور .

مستغالی یورکی دوقا کی ايسومادک الیوم اقامتکاهی مجهول مستغالی ملتادی میخالا کی ذمتده مدلولو بدایت محکمه سی حقوق دائره سندن لاحق اولوب صورت مصدقه سی ۲۱ حیران سنه ۳۲۲ تاریخ ودرتیوز سکسان بش نومرولی جدیده محاکم عدلیه ایله اعلاناً تبلیغ قلمش اولان ۱۶ شباط سنه ۳۲۱ تاریخ وقرق سکر نومرولی اعلام موجبجه مطلوبی اولان بشیک یدیوز طقسان اوچ غروشک فائض و مصارف محاکمه سیله برابر لزوم تسویه سی ۱۰ شباط سنه ۳۲۲ تاریخ و بشیوز الی نومرولی جدیده محاکم عدلیه ایله برنجی اخبار نامه سی اعلاناً تبلیغ ایدلیکی ومدت قانونیه سی مرور ایدلیکی حالد هوز ایفای دین اولندینی کی بر جواب دخی ویرلامش و داین مرقوم طرفندن وقوع بولان طلب واستدا اوزربنه

مدیون مرقومک مستغنا قریه سنک کلیسا موقعده اوتوز درت نومرولی باغچه سی حیر آلتیه آدیرلش اولدیغندن تاریخ اعلاندن اعتباراً طقسان بر کون ظرفنده ینه اثبات وجود ایله ایفای دین ایتدیکی تقدیرده مذکور باغچه نک بالمزایده فروختیه اثمان حاصله سندن تسویه دین ایتدیریه جکی معلوم اولمق و اصول محاکمه حقوقیه قانوننک یکرمی التتجی ماده لری موجبجه کندوسنه تبلیغ ایدلش عداولمق اوزره مدیون مرقومه لاجل التبلیغ تنظیم ایدیلان اشبو ایکنجی اخبار نامه نک مدلولو سنجاغی بدایت محکمه سی اجرا دائره سی دیوانخانه سنه تعلیق اولندینی کی غزته لرله دخی اعلاننه مبادرت قلندی .

مدلولوده مقیم قهوه جی اطناش یناره نک صارلیجه ده ساکن ایکن الیوم اقامتکاهی مجهول بولنان آندون جوانو نام دیکری صولون ولد یانی پتره یانو ذمتده مدلولو بدایت محکمه سی حقوق دائره سندن لاحق اولوب صورت مصدقه سی ۳ شباط سنه ۳۲۲ تاریخ و بشیوز قرق سکر نومرولی جدیده محاکم عدلیه ایله اعلاناً تبلیغ قلمش اولان ۱۴ تشرین ثانی سنه ۳۲۲ تاریخ و اوتوز بر نومرولی اعلام موجبجه محکوم به مطلوبی بولنان الی درت مجیدیه نک فائض و مصارف محاکمه سیله برابر لزوم تسویه سی ۹ حیران سنه ۳۲۳ تاریخ و بشیوز سکسان درت نومرولی جدیده محاکم عدلیه ایله برنجی اخبار نامه سی اعلاناً تبلیغ ایدلیکی ومدت قانونیه سی مرور ایدلیکی حالد هوز ایفای دین اولندینی کی بر جواب دخی ویرلامش و داین مرقوم طرفندن وقوع بولان طلب واستدعای اوزربنه مدیون مرقومک صارلیجه قریه سنک شیویا موقعده قرق اوچ نومرولی زیتونلکی مرهوب اولوب بدل رهن تسویه ایدلکدن صوکره فضله سی حیر آلتیه آدیرلش اولدیغندن تاریخ اعلاندن اعتباراً طقسان بر کون ظرفنده ینه اثبات وجود ایله ایفای دین ایتدیکی تقدیرده مذکور زیتونلکک فروختیه اثمان حاصله سندن تسویه دین ایتدیریه جکی معلوم اولمق و اصول محاکمه حقوقیه قانوننک یکرمی التتجی و اجرا قانوننک یکرمی طقوزنجی ماده لری موجبجه کندوسنه تبلیغ ایدلش عداولمق اوزره مدیون مرقومه لاجل التبلیغ تنظیم ایدیلان اشبو ایکنجی اخبار نامه نک مدلولو سنجاغی بدایت محکمه سی اجرا دائره سی دیوانخانه سنه تعلیق اولندینی کی غزته لرله دخی اعلاننه مبادرت قلندی .